



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCCCXVI. ad annum MCCCCXXIII.

Parisiis, 1644

XIII.

urn:nbn:de:hbz:466:1-15653

XI.

De maioritate & obedientia.

Sacro approbante etiam Concilio statuimus, vt nulli clerici nobilium, capellani in capellis castrorum dominorum suorum celebrare præsumant, nisi ante episcopo, vel loci archidiacono obedientiam faciant manualem, vt ad Synodos veniant & capitula, certis temporibus & statutis mandata ecclesiastica recepturi, & suis dominis ac eorum castrensis, secundum quod fuerit opportunitum, relaturi; cum plebani, in quorum terminis castra consistunt, hoc facere frequenter non audeant propter tyrannidem suorum dominorum. Quod si secus quispiam facere præsumperit, per loci ordinarium vel archidiaconum condigne puniatur. Statuentes etiam sub poena excommunicationis iam latæ sententiæ, districte mandantes, vt si quando prædam vel spolium rerum ecclesiasticarum ad diuinum cultum deputatarum, seu etiam ecclesiasticam personam captiuam ad aliquam ciuitatem, villam, oppidum, seu castrum adduci contigerit, sacerdotes & capellani ciuitatum, villarum, castrorum, postquam scierint, non expectato super eo^{*} suorum mandato, abstineant a diuinis interim, quoad persona captiuita, aut res ecclesiastice prædictæ in præfatis locis detinentur.

XII.

De his qui vi metuque absoluunt, vel absoluuntur.

Hos qui absolutionem, vel quamcumque reuocationem ab excommunicatione, suspensione, vel interdicti sententiis, per vim vel per metum extorserint, cum hoc, quod huiusmodi absolutiones, reuocationes sunt irritæ, statuimus & publicamus, excommunicationis sententiæ subiacere.

XIII.

***
Quia clerici & religiosi nonnulli, non attendentes, quantum sit obedientiæ bonum, quod victimis antefertur, & quod peccatum est ariandi, nolle acquiescere; & scelus idolatriæ, obedire non velle; amissionem rerum

ANNO
CHRISTI
1430.

fuarum & corporis, & vanum metum allegant frequenter, ne cogantur mandatum exequi prælatorum. Qui, cum prosperitatis tempore multa bona receperint, laute vixerint de patrimonio crucifixi, imminente necessitate articulo, pro honore illius aduersitates sustinere detrectant; qui, cum foret summe diues, ad obediendum Deo Patri pro salute nostra subiit onus voluntariæ paupertatis. Ex quo, propter contemptum clauium ecclesiæ, neruus ecclesiasticae disciplinæ dissoluitur, & animas miserabiliter periclitari contingit; sacra huius Concilii necessaria deliberatione statuimus, vt nulla rerum perditio, aut metus corporis, nec legitime probatus, subditi inobedientiam, mandatum prælati exequi non curantis, valeant excusare: adeo, quod si metus corporis dumtaxat *fentienti, proprio iuramento, & non legitimis coram eo, a quo mandatum subditus receperit, *ostensis fuerit documentis, nihilo minus loco cedat, ne notam transgressionis incurrire videatur. In his autem quæ in non faciendo consistunt, vtputa, cum mandatur, non communicare excommunicatis, non celebrare in locis interdictis, ac aliis huiusmodi, omnino nullum, nec rerum, nec corporum, quantumcumque probatus metus excusat; cum pro nullo metu debeat peccatum mortale committere; quod ex inobedientia surgere, sanctorum auctoritatibus comprobatur.

XIV.

De alienatione.*

Quia plerumque cessiones actionum in fraudem fiunt; aliquando tamen pure & simpliciter, ex causa legitima: Statuimus, vt cessiones actionum, quæ ex iustis causis vel causa procedunt, in præsentia episcoporum, iudicum, seu officialium suorum, de licentia eorumdem, si subsint legitimæ causæ, fiant: iurent etiam cedentes, quod non simulante, sed vere cedant. Alioquin secus factas determinamus non tenere.

XV.

De iudiciis.

Et quia quidam propter potentiam, quidam propter crude-

* mutandi
iudicii
causa
facti.